



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1707**

Q. 187. An duellum liceat ultra casus à Busenb. notatos.

**urn:nbn:de:hbz:466:1-42515**

## ADDENDA.

835 Q. 186. *An sit licitum acceptare duellum.*  
 Non esse, nam Alexander VII. damnavit hanc secundam prop. *Vir Equestris ad duellum provocatus potest illud acceptare, ne timiditatis notam apud alios incurrat.* De qua damnatione videri potest Du Bois super propositiones illas, ubi docte ejus falsitatem ostendit: Nobis satis est scire, quod non licet acceptare duellum, quamvis provocatus eset extremam infamiam passurus, quia tale duellum directe acceptare est intrinsecè malum, & sola est apprehensio mundanorum hominum, quod tanta ex illo oriatur ignominia, nam quivis prudens approbare debet, si non accepte, præsertim post tot prohibitiones, uti pluribus deducit Mendo D. i. Q. 21. §. 2; sed dato verè periclitari honorem, non ideo licitum est vitam alienam aggredi aut suam exponere periculo, quia utriusque vita est bonum, cuius solus Deus est Dominus, sumus autem domini honoris nostri, cui tenemur cedere, ne violemus Jus Dei,

865 Q. 187. *An duellum liceat ultra casus à Busenbaum notatos.* R. Aliqui affirmant, nam,  
 §. 1. Si raptor vel latro dicat, auferam à hæc preiosa bona, nisi duelles mecum, Sanch. L. c. 39. n. 7. Tamb. Lib. 6. c. 1. §. 3. n. 17. Steph. T. 3. D. 3. n. 60, citans plures, item alii cum Dian. P. 5. T. 13. R. 17, dicunt te posse acceptare duellum, si aliter restuas servare non possis, quia hæc tantum est defensio bonorum suorum contra injustum aggressorem; sed hoc tantum videtur verum esse pro eo casu, in quo statim pugnandum eset, quando raptor aggreditur, ex condicione enim alio tempore & loco velle comparere non videtur necessarium ad res suas tuendas, sed satis est resistere, quando invaderet.

& occidere, si aliter servare non possis. Similiter si quis diceret, te statim occidam, nisi cras mecum illo loco duelles, non videtur licitum tale duellum acceptare, sed licitum esset dicere se defensurum cras & semper vitam, si quis aggrediatar : quo responso si non acquiescat alter, sed occidere velit, licebit se, etiam alterum occidendo, defendere.

§. 2. Si aliter non posses salvare vitam, quam 837 provocando ad duellum, putant *Sanch.* suprà, *Dicast.* de *Justit.* Lib. 2. T. 1. D. 10. D. 15. N. 217. aliique apud *Tamb.* & cum *Dian.* suprà, te posse provocare, quia etiam hoc videtur esse tantum justa defensio vitæ tuæ ; sed *contra est*, quia vitam tueri potes defendendo, si impetraris, neque ad hoc opus est provocare in aliud tempus & locum, in quo non impeteris : quod si jam arma tibi deessent, posses provocare aggressorem pro alio tempore, non velut ad duellum, sed ad æqualitatem armorum habendam, quâ habitâ tantum poteris te defendere.

§. 3. Si duellum inter duos milites hostium 838 exercituum non ordinetur ad robur hostium imminuendum, sed ad delectationem vel vanam ostentationem, duellum est illicitum, quia nefas est rem tam atrocem suscipere ob tam vanum finem : Sit tamen ab uno eo fine oblatum, ab altero ideo acceptaretur, ne hi milites dimitterent animos, ex hac parte non esset illicitum, *Sanch.* n. 14, qui n. 19. notat, si duo ex pacto ita in arenam descenderent, neminem debere succurrere huic vel illi, quamvis enim unus injuste duellet, tamen bonum commune, quod præferendum est, postulat fidem servari hostibus: Si tamen quis in alio duello videret innocentem se vel sua bona justè defendantem succumbere, circumstantes tenerentur huic

huic succurrere, uti tenent Sanch. & alii, & paret  
ex dictis n. 820.

839 §. 4. Si Judex mandet, ut duo Rei mortis duelent ad dandum spectaculum vel recreationem spectatoribus, peccat quidem Judex secundum dicenda L. 4. n. 1497. Et in eis circumstantiis putant aliqui cum Burgh. Cent. 2. Cas. 13. Reos non posse acceptare tale duellum, quia non imperavit auctoritate legitimâ, sed Nav. Azor. Lesf. Laym. L. 3. T. 3. P. 3. c. 5. n. 1. Castrop. T. 6. D. 5. P. 7. N. 12. melius contrarium affirmant, licet enim Jûdex peccet, per hoc non tollitur ipse Jurisdictio seu potestas hunc & illum statuendi Ministrum Justinianum, ideoque licet modus utendi auctoritate suâ non sit legitimus, auctoritas tamen est quoad substantiam legitima & Præceptum validum, singuli autem pugnant ob spem vitæ conservandæ, si vincant.

840 §. 5. Dian. P. 2. T. 6. R. 53. Et P. 3. T. 6. R. 1. Escob. T. 1. Exam. 7. c. 3. n. 66. Bass. v. Duellum. n. 9. Fill. T. 15. n. 11. Bonac. T. 3. D. 2. Q. 3. P. 8. N. 14. & alii etiam excusant eos, qui provocant vel acceptant duellum, quando certi sunt non securam pugnam, aut peragendam finè gravi utrimque incommodo, quia nempe non intendunt occisionem alterius, & sibi cavere possunt, ne occidantur: Idem dicunt, si sciant impediendam esse pugnam, aut ipsi inter se convenerint, quod permittent se impediri, postquam strinxerint gladios & leves ictus finè periculo contorserint, ut sic salvent honorem suum; sed res illa in praxi non habet locum, quia semper aderit scandalum apud eos, qui putant serium esse: item semper aderit quidam contemptus Legis Ecclesiastice, quæ etiam talia fieri duella prohibet tanquam scandalosa & occasionalia aliorum duellorum, hinc illicitum est si simulat

inire duellum, præsertim cùm aliter salvari possit  
honor, ita Mendo D.1.Q.21.N.270.

§. 6. Si opponendo prohibitionem ex Jure 841  
naturali, divino & humano, adhuc non satis sit  
consultum honori, putant *Vidat.* & *Caramuel*  
apud Steph. n. 61. licitum esse duellum in illa actuali  
aggressione honoris, ut sic defendatur, sed oppositū  
est tenendum, quia honor non censetur æquipa-  
randus vitæ alienæ ob rationes num. 800. datas;  
licitum tamen erit sic dicere, etiam gladium manu  
apprehendendo, ego hoc ense contra te me  
defendam, ubicunque me petiveris, quod hic,  
si me aggressus fueris, præstabo, exire autem  
ad locum condicium non est hominis Christiani,  
sed contra Legem Naturæ, Dei & Ecclesiæ, ita  
*Hurtad.* Mendo aliique.

§. 7. Non est licitum provocato exire ad locum 841  
provocante designatum, licet in animo haberet  
non pugnare, nisi invaderetur, adeoque tantum  
intenderet se defendere, quia quamvis exire  
ad talern locum de se sit actio indifferens, tamen  
in his circumstantiis esset directè se exponere  
periculo morali duellandi, adeoque tollendi  
vitam alienam aut amittendi propriam, Mendo  
num. 267.

Q. 188. Quale sit illud duellum, quod ab Ecclesia 8  
sub pœnis prohibetur. R. Duellum dicitur quasi  
duoru bellum, & alio nomine vocatur Monomachia,  
quia est solius cum solo pugna, estque tum sub pœnis  
Ecclesiasticis prohibitum, si sit ejusmodi singulare  
certamen, & quidem grave, ex privatis causis  
inter duos vel plures institutum ex condicto,  
designato tempore & loco, Sanch. Bonac. Regin.  
L.21.n.73.Bas. v. Duellum : hinc inferuntur seqq.  
cum Tamb. Lib.6.c.1.§.3. à n. 8.

§. 1.